

consilio huc contulisse, eâq; methodo, ut qui EUCLIDEM non habet, hinc ea sine anxio delectu depromere: qui habet, mea cum EUCLIDEIS conferre, atq; vel hac ratione tantò commodius in ijs erudiri queat. Spero etiam, neminem fore, qui non in Mathematicis absq; Manuductore per hæc præcepta, modo à Natura mediocri ingenio dotatus sit, & ad Mathesios amorem & cultum invitetur, feliciter auspiciaturus & progressurus sit.

Quid porrò in ipsa Trigonometriâ penitiore præstiterim, num omnia placitura, vel an aliqua compendia Calculi sint adhibita, quæ Trigonometrarum usibus sint aptiora, quàm quæ alias usurpantur, id alijs judicandum relinquo. Ubivis in id incubui, ut perspicuè omnia tractarem, ne legentibus ullibi remoræ injiciantur. Quod si præstitum, est cur gaudeam.

Erat quidem etiam animus eandem ob causam, & quod sciam ista, quæ à sensibilius planè abstracta sunt, difficulter vulgo percipi, eadem certis rebus applicare, atq; adeò non planè immateriata proponere: sed excessisset Liber Volumen justum, & commodius illa ratio docendi adhibebitur in Geometriâ meâ Practicâ & Architectonice Militari, quarum hæc, si Deus voluerit, sequenti æstate lucem videbit.

Quod deniq; TUÆ SERENIT, nomen Libro huic præfixerim, eundemq; cum debitâ submissione
ad Tuæ